



Morutabana Mmutlanyana

Setswana

Harold Gondwe



Morutabana Mmutlanyana

E kwadilwe ke Harold Gondwe
Botaki ka Karen Ahlschläger



Thanolo ka Motlhabane Modise



Morutabana Mmutlanyana; O ruta barutwana ka ga mefuta e e farologaneng ya ditiro.

“Reetsang bana! Didimalang, gape lo tlogeleng go dira modumo.”

“Gompieno re tlile go ithuta ka mefuta
ya ditiro, tseo lo ka di ithutelang ka
gangwe; fa lo weditse kwa sekolong.
“A re simolole ka wena Khudu.”





“Ke batla go nna Mokgweetsi wa tekisi.”
“Ijooo! Nnyaa, Batho ba tlaa goroga thari
ka gale kwa tirong ka gonne o tsamaya
ka bonya khudu.”
Ga bua ntšwa a ntse a tshega khudu.



“Ke batla go nna ntšwa ya mopodisi,” ga
bua ntšwa.

“Didimala ntšwa, Ga ke ise ke go neele
sebaka sa go bua.”

“A re utlwe wena katse.”

“Ke batla go nna ngaka gore ke tlhabe
botlhe bao ba tshabang lomao.”



“Nna ke tshaba lomao, ga bua legotlo ka
lentswe le le kwa tlase.”



“A re boneng diatla, tsa bao ba batlang go
nna balokisi ba dikoloi.”
Thutlwa le kolobe ba tsholetsa diatla.

“A go na le bangwe mo go rona, bao ba batlang go nna balemirui?”

“Ga re rate go nna leswe ka lebaka la mmu,” ga bua Phuti.



“Utlwelelang, fa re sena balemirui, re tlike
go swa ka tlala,” ga bua morutabana
Mmutlanyana.

“Ke tla nna Molemirui,” ga bua Tonki.



“Lo re boleetse lotlhe mefuta ya ditiro tseo lo batlang go di dira, yo o setseng ke wena pitse.”

“Mma, ke batla go nna pitse ya dikgaisano tsa go taboga gore ke nne le madi a le mantsi.”



Ke fa barutwana botlhe ba mo opela
magofi mme ba re; "Rotlhe re rata go
nna le madi a le mantsi!"



DITEBOGO

Mokwadi

Harold Gondwe

Motaki

Karen Ahlschläger

Morulaganyi

Mavis Ndlovu

Motlhami

PixelPing Design

Mofetodi

Motlhabane Modise

Motlhotlhomisi

Glanice Masilo



ISBN 978-0-638-00671-1



basic education

Department:
Basic Education
REPUBLIC OF SOUTH AFRICA

